

INUIT ATAQATIGIIT INATSISARTUNI



22. juni 2021

UKA2021/032

Inatsisartut suleriasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

SIK-p Isumaginninnermi aningaasaateqarfiata ileqqutatut, utoqqalinersiallit, siusinaarluni pisartagallit, Aalisartut, piniartut, suliffissaaleqisullu, peqqissartut aningaasaateqarfissaannik pilersitsisoqarsinnaanersoq pillugu apeqquteqaat aallaavigalugu oqallinnissamik siunnersuut.

(Inatsisartunut Ilaasortaq Agathe Fontain, Inuit Ataqatigiit)

Peqqissartup qaniginerpaasaminik, ilaquuttaminillu najorneqartoq, tarnikkut anersaakkullu, peqqisseqqinnissaminut, nukissaqarnerusarpoq. Nappaammilu qaangersinnaaneranut nukissamik tunineqartutut misigisarluni.

Maanni isersimasusi tamassi takorloorsinnaavarsi, qanoq ilungersortigissagaluarusi, nammineq peqqissarnissinni, nuliamik, uimik, meeraisamnillu najorneqarusussallusi.

Imaluuniit, uit, nuliat, napparsimalluni, immaqa kræftemik nappaateqarluni, peqqissartooq, najorusutigissallugu.

Ilaqutariipaasuaqarpoq aningaasatigut akissaqannginneq peqqutaalluni, ilaquataasoq napparsimasoq, ilagerusukkaluarlugu, periarfissaqanngitsunik.

Inuiaqatigiittut taakku qanoq ikiorsinnaavagut?

SIK-p Isumaginninnermut aningaasaateqarfia imatut nassuiarneqarpoq:

*“**SIK** sulisartut kattuffiattut suliffeqarfinnik namminersortunik pisortanullu atasunik isumaqatigiissuteqarpoq isumaginninnermut aningaasaateqarfeqarnissamik. Aningaasaateqarfiit taakku assigiimmik periarfissiipput peruluutaasumik nappaateqalernermi*

INUIT ATAQATIGIIT INATSISARTUNI



ikiorserneqarsinnaanermik – tassa angalanermi ingiaqatigineqarnissamut ineqarnissamullu akiliunneqarnissamik kiisalu sulinngikkallarnermi aningaasarsiassaraluanik annaasanut matussutissinneqarnissamik.”

Aningaasaateqarfimmut qinnuteqarneq pisinnaavoq SIK-p isumaqatigiissutaata ataani atorfeqaraanni sulisitsisorisarlu aningaasaateqarfimmut ikioraappat.

Periarfissinneqanngitsut ilaat ukuusut takusinnaavakka:

- Siusinaarluni pensiosiallit
- Utoqqalinersiutillit
- Aalisartut piniartut umiatsiaararsortut
- Aalisartut angallatini inuttaasartut
- Suliffissaaleqisut, pisortanit ikiorsiissutit ataaniinngitsut

Ilumut kattuffinnik tunuliaqutaqanngitsut periarfissaqassanngillat?

Isumaqarpunga peqqissartut aningaasaateqarfissaannik pilersitsineq isumassarsiatsialaasoq, qulaani eqqartukkatta peruluttoornermi qanigisamik ingiallorteqarsinnaanissamik qinnuteqarfisinnaasaannik.

Ullumikkut nalunaarummit nr.2 24. Januari 2005-imeersumit aqunneqarpoq, §8 imatut oqaasertaqarami, *“napparsimasut nunagisamik avataanut katsorsartinniarlugit angallanneqartut, inuunerminnik ulorianartorsiortut aamma ilaquuttaminnit imaluunniit qanigisaminnit ataatsimit peqqinnissaqarfiup akiligaanik pissutsit ajornartinngippassuk ingiaqateqartinneqarsinnaapput”*.

Kommunit allaffissornermut sipaavataasaaq, sulisut tassanngaannartumik saaffiginnissutaannut suliassanut ikilisaasaaq. Aningaasanillu sipaaruteqassalluni. Maalaartarfik suliakkersorneqassanngilaq.

Inuit Ataqtigini, Utoqqalinersiallit, Siusinaarluni pisartagallit, pitsaasumik sutigut tamatigut atugassaqtinnissaat sulissutiguarparput. Uanilu oqallisissiami, partiit allat peqatiberaassi, suleqatigiissutigissagipput.

INUIT ATAQATIGIIT INATSISARTUNI



Napparsimasoqartillugu Nunamut allamut aallartariaqartortagut amerlaqimmata, aamma tassani atugassarititaasut pitsaasuunissaannut qulakkeerinneqataasariaqaratta.

Utoqqartatta ukiorpassuarni sulillutik tunngavissilluarsimammatigut qujassutissaqarfigeqaavut. Sulereerlutillu toqqissillutik inuunertik utoqqalifigalugu atugassat pitsaasuunissaat pingaartikkatsigu, isumakuluutigisinnaasaasa ikilisaaviginissaat tamatta qulakkeerinneqataaffigisariaqarparput.

Inersuarmi maani oqallilluarnissarput neriuutigaara qilanaaralugulu.